

هو أنا لما باشوفه بفرح؟!!

تفتكر ازاي ممكن نختار حد نكمل معاه حياتنا؟!!

بنختار ازاي وجود شخص في حياتنا ، في البيت ، والشغل ،
والقعهه الحلوه اللي بتريح.

ازاي نقدر نلاقي حد نكشف كل عيوبنا قدامه.

نقص فلوسنا وصحتنا ، وعيوب اهلنا ، ازاي بنقدر نحدد أن
ده يكون شريك العمر.

هياخد السرير بالنص ، هاستني لما يخلص شاور علشان
اخذ الشاور بتاعي ، هياخذ حته من اكلي.

هايشرب الشاي بتاعي اصله ممكن يكون مايبعرفش يعمل
شاي ، ومايبحبوش بس بيشرب بتاعي رخامه !!

تفتكر الناس اللي بتقول ان لازم الشخص يكون شبيهي في
كل حاجه ، وفعلًا لقت ناس نفس الحياه الاجتماعيه والثقافه
وكله تمام ، واتجوزوا وخلفوا ، حساباتهم طلعت مضبوطه
بالمسطره؟!!

تفتكر حياتهم سعيده ولا ممله؟!

روتينيه ولا فيها روح؟!

اطفال بتتطط وترخم علي بعض.

طيب هي حياتهم فيها حياه اصلا؟!

ولا اتنين الحسابات قالت انهم ينفعوا لبعض؟!

طيب هي الحسابات بتنفع قوي كده؟

■ في كاتب كبير اسمه "عبد الفتاح المسيري" اتكلم
عن قصه جوازه من "هدي حجازي"

بيقول ان كان في بينهم حواجز كبيره قوي زي السما
والارض ، وفروق كتير اجتماعيه ، ثقافيه ، ماديه .

ماكنش فيه اي حاجه مشتركه بينهم الا المشاعر الحلوة
وبذرة حب بدأت تتكون جوه قلبه

دخل في حيره كبيره قوي ... اعمل إيه

أكمل معاها؟

ولا اقبل الصفحة ؟

أروح أتقدم لها ولا لا ؟

بدأت إجابته تكون كلها حيره ، طبعا حساباته رافضه
الموضوع وعقله كمان رافض الموضوع ، لكن جواه حاجه
بتقول ان في حاجه حلوه

لما تاه من الحيرة ، بيقول انه قرر يروح لأمه يسألها .هي
لسه علي الفطرة وحساباتها مختلفه عن الكلكعه اللي جواه.

بيقول أن أمه سألته سؤال واحد بس

لما بتشوفها قلبك بيفرح ؟

هو رد جوه نفسه أيوه طبعا وجدا كمان

اجابته كانت من غير صوت لكن قدر يفهم قصد أمه .اللي
سهل عليه كتير قوي

بيقول ان سؤال أمه ماكنش مجرد سؤال قد مكان إجابة
لحاجات كتير متعلقة في دماغه.

بدأ صوت إجابته يطلع وفعلا راح اتقدم " لهدى " وجوازهم
عاش 30سنه لحد وفاته

• ايه رأيك لو قدرت تقيس كل حاجه في حياتك بسؤال.

قلبك بيفرح لما بتشوفه ؟

بتفرح لما بتسمع صوته ؟ لما بتتعد معاه ؟

ريحة الهوا بتاعته خفيفة عليك ، مطمئن معاه ...

امشي ورا قلبك ، القلب ابصر من العين ...

الحسابات ماتضمنش نجاح علاقه أو فشلها

هيه بس هاتخليك لاغي فطره احساسك ومابتسمعش صوت
فرحة قلبك لحد ماتنتهي.

قبل اي علاقه تدخل فيها
إسال نفسك سؤال بسيط
وجاوب عليه
هو انا لما باشوفه بفرح !؟